

PRAVNI FAKULTET UNIVERZITETA U BIHAĆU

Izvještaj o radu i poslovanju Pravnog fakulteta za 2014. godinu



**Prof. dr. Nevzet
Veladžić**

Dekan Pravnog fakulteta
Februar 2015. godine

SADRŽAJ

1.	UVOD	3
2.	OSNOVNE INFORMACIJE O FAKULTETU	5
	2.1. Odgovorne osobe.....	6
	2.2. Upravljačka struktura	6
	2.3. Organi Pravnog fakulteta.....	6
	2.3.1. Nastavno – naučno vijeće Pravnog fakulteta.....	6
	2.3.2. Vijeće za postdiplomski studij.....	7
	2.3.3. Vijeće za doktorski studij	7
	2.3.4. Klasifikacija naučnih oblasti	8
	2. 4. Kadrovska struktura fakulteta.....	9
3.	STUDIJI I CIKLUSA	10
	3.1. Općenito	10
	3.2. Nastavna djelatnost.....	10
	3.3. Nastavni plan i program/realizacija nastave	10
	3.4. Ispitni rokovi	14
	3.5. Pravna klinika.....	17
	3.6. Sporazumi od značaja za unaprjeđenje nastavne djelatnosti i mobilnosti studenata.....	17
4.	STUDIJI II CIKLUSA.....	17
5.	NAUČNO-ISTRAŽIVAČKI RAD	18
	5.1. Saradnja sa stranim univerzitetima.....	18
	5.2. Saradnja sa drugim fakultetima	20
	5.3. Saradnja sa srednjim školama	20
	5.4. Tribine, seminari i konferencije u organizaciji Fakulteta	25
	5.5. Izvještaj o radu uredništva Zbornika radova	28
6.	OSIGURANJE KVALITETA.....	29
7.	STUDENTSKA SLUŽBA	31
8.	BIBLIOTEKA	33
9.	STRATEŠKI CILJEVI.....	34
	9.1. Edukacija studenata	34
	9.2. Infrastruktura i pomagala za učenje	34
	9.3. Struktura nastavnog i saradničkog kadra.....	35

1. UVOD

Pravni fakultet Univerziteta u Bihaću je organizaciona jedinica JU Univerziteta u Bihaću, koja djelatnost visokog obrazovanja obavlja organiziranjem nastavnog, naučno–istraživačkog i stručnog rada, sa definiranim stavom da provodi kvalitetno obrazovanje, temeljeno na ishodima učenja i koncepciji cjeloživotnog učenja, kroz dodiplomski i postdiplomski studij. Djelatnost Pravnog fakulteta temelji se između ostalih na akademskim slobodama, autonomiji stvaralaštva, javnosti rada i etičnosti nastavnika i saradnika, te usklađivanja sa evropskim sistemom visokog obrazovanja.

Godišnji izvještaj o radu i poslovanju Pravnog fakulteta Univerziteta u Bihaću je obaveza koja je regulirana Zakonom o visokom obrazovanju USK-a, Zakonom o Univerzitetu u Bihaću i Statutom Univerziteta u Bihaću. Organizacija i rad Pravnog fakulteta Univerziteta u Bihaću u izvještajnom periodu bili su usklađeni sa metodologijom koju je utvrdila Skupština USK-a, a koji sadrži sve relevantne podatke i pokazatelje o radu Pravnog fakulteta u protekloj 2014. godini. Aktivnosti Pravnog fakulteta u 2014. godini bile su usmjerene na realizaciju planova i aktivnosti predviđenih Planom rada Pravnog fakulteta Univerziteta u Bihaću za 2014. godinu. Pravni fakultet Univerziteta u Bihaću sukladno svojoj misiji, viziji i ciljevima, a u skladu sa pozitivnim propisima trajno i sistemski unapređuje kvalitetu i poboljšava učinkovitost svojih obrazovnih, naučno-istraživačkih i stručnih aktivnosti.

Oslanjajući se na pozitivne tendencije u radu i djelovanju i jasnu viziju za razvoj Fakulteta, 2014. godina je bila godina nastavka snažne stabilizacije i razvoja. U gotovo svim segmentima učinjen je vidan napredak. Protekla godina je za čitavu zemlju bila veoma teška, ispunjena mnogim problemima i izazovima. Međutim, i pored tih teškoća Pravni fakultet je i tokom protekle godine uspio da realizira svoje zadatke i postavljene ciljeve. Cijeneći značaj razvoja naučno-istraživačkog i stručnog rada, kao i međunarodne saradnje, utvrđena je klasifikacija naučnih oblasti, a što je u skladu sa implementacijom Bolonjskog procesa. Pored rada na projektima, tu je i izdavačka djelatnost. Uz redovne brojeve Zbornika, Pravni fakultet izdao je tematski broj Zbornika radova Međunarodne naučne konferencije „Bosna i Hercegovina i euroatlantske integracije – trenutni izazovi i perspektive“ (2014.) u dva toma. Zatim, tu je i Monografija koja je nastala povodom obilježavanja jubileja Fakulteta – 15 godina postojanja i rada. Uprava i nastavno osoblje Pravnog fakulteta Univerziteta u Bihaću i u 2014. godini su realizirali aktivnosti vezane za predstavljanje Pravnog fakulteta maturantima svih srednjih škola na području Unsko-sanskog kantona. Primarni cilj ovih aktivnosti bio je da se maturantima bliže predstave programi studiranja na Pravnom fakultetu u Bihaću, te stečena znanja i zvanja koja će ih nakon stjecanja fakultetske diplome učiniti prepoznatljivim i traženim na tržištu rada. Iako je puno urađeno u protekloj godini, ostalo je još mnogo poslova, koje planiramo da budu realizovani u 2015. godini. Siguran sam da će u pozitivnoj atmosferi koja vlada na našem Fakultetu, svi ovi zadaci biti ispunjeni na najbolji način.

Proces unapređenja uslova rada na Pravnom fakultetu je nastavljen, uz adaptaciju i funkcionalno opremanje pojedinih prostora, sređivanje spoljašnjeg i unutrašnjeg ambijenta i dalje poboljšanje uslova za rad i prijatan boravak na našem fakultetu. Intenzivno je nastavljen proces tehničkog unapređenja i poboljšanja uslova za optimalno odvijanje nastave i realizaciju vježbi i projekata studenata Pravnog fakulteta. Nabavljen je značajan dio nove tehnike. Kabineti nastavnika i saradnika opremljeni su potrebnom tehnikom (računari, štampači, stalni pristup internetu). U protekloj godini sve predavaonice u novoj zgradi su opremljene

fiksiranim video-projektorima. Bibliotekarski fond Pravnog fakulteta je znatno obogaćen, kako kupovinom novih izdanja, tako i pojedinim donacijama, a tu su i novi diplomski, master, magistarski i doktorski radovi. Posebna briga posvećena je održavanju bibliotekarski fonda.

Na Pravnom fakultetu Univerziteta u Bihaću u 2014. godini nastavljene su redovne nastavne aktivnosti, na dodiplomskom studiju i master studiju, kao i vannastavne aktivnosti koje su se odvijale na više planova i kroz realizaciju raznovrsnih programa. Pravni fakultet konstantno širi polje svojih aktivnosti i nastoji ih kvalitetno obaviti. Tako su u 2014. godini pokrenute značajne aktivnosti na osiguranju kvalitete nastavnog-naučnog procesa. Intenzivirana je ranije uspostavljena saradnja s fakultetima u zemlji i regiji, organizirano nekoliko seminara, javnih tribina i okruglih stolova i konferencija međunarodnog nivoa s namjerom sagledavanja regionalnih i globalnih problema i načinima njihovog rješavanja, a tiču se pravničkog obrazovanja i struke.

Izvještaj o radu Pravnog fakulteta Univerziteta u Bihaću u 2014. godini obuhvata pregled stanja nastavno-naučnog i naučnoistraživačkog rada, osnovne informacije o uvjetima rada i materijalnom stanju, odgojno-obrazovnom radu, administrativno-pravnom poslovanju, najvažnijim aktivnostima na Fakultetu, kao i pojedinačne aktivnosti nastavnog i stručnog osoblja ostvarene u izvještajnoj godini.

Također, ističemo da je jedan od otežavajućih faktora za razvoj Pravnog fakulteta pogrešna primjena značenja „centralizacije“ univerziteta do čega je došlo zbog pogrešnog tumačenja pojma „integracije“ univerziteta, a čime se suočavaju mnogi drugi fakulteti u BiH. Ovakav pristup dobrim dijelom guši akademsku kreativnost i inicijativu na fakultetima. Ne treba zaboraviti da se sve aktivnosti dešavaju na fakultetima, kako pozitivne tako i negativne. U izvornom tumačenju pojma „integracije“ univerziteta postiglo bi se znatno više, prije svega mislimo na kvalitetu nastave, ishoda učenja, ali i u naučno-istraživačkom procesu, koji je gotovo zapostavljen od strane univerziteta ali i ministarstva obrazovanja. Smatramo da svaki uspješan univerzitet mora biti baziran na naučno-istraživačkom radu, što je uostalom i evropski standard. Nadalje, važeći standardi i normativi predstavljaju prepreku nastavnom i naučno-istraživačkom radu. Stoga, u narednom periodu Pravni fakultet će ponovno inicirati izmjene i dopune standarda i normativa prema nadležnim institucijama.

Primjetno je intenziviranje naučno-istraživačkog rada nastavnika i saradnika na Pravnom fakultetu u Bihaću, što predstavlja ohrabrenje i pomak u ispunjavanju zahtjeva praćenja i izvještavanja o svojim naučno-istraživačkim aktivnostima, koja je temelj za internu evaluaciju od strane samog Pravnog fakulteta i Univerziteta u Bihaću, kao i eksternu evaluaciju od strane Osnivača i Agencije za razvoj visokog obrazovanja i osiguranje kvalitete BiH.

Zabrinjava činjenica da Pravni fakultet u Bihaću nije dobio bilo kakvu podršku od strane Osnivača u domenu naučno-istraživačkoga rada, niti se osnivač do sada dovoljno oslanjao na naučno-istraživački potencijal Pravnog fakulteta u Bihaću, u procesu istraživanja i reforme pravnog sistema USK.

U nadi da će predstavljeni podaci pomoći da Skupština USK-a, kao naš osnivač, ima potpuniju percepciju o Pravnom fakultetu i pitanjima koja su u izravnoj vezi sa razvojem ovog fakulteta, na temelju koje će sigurno donijeti kvalitetnije odluke izražavamo i spremnost da određena pitanja i šire elaboriramo (usmeno ili u pisanoj formi).

2. OSNOVNE INFORMACIJE O FAKULTETU

NAZIV: JU Univerzitet u Bihaću - **Pravni fakultet**
SJEDIŠTE: Bihać, 77000; USK
ADRESA: Mehe Hadžiabdića b.b.

DJELATNOST UNIVERZITETA – ORGANIZACIONIH JEDINICA:

- 22.110 Izdavanje knjiga
- 22.120 Izdavanje novina
- 22.130 Izdavanje časopisa i sličnih periodičnih izdanja
- 22.140 Izdavanje zvučnih zapisa
- 22.150 Ostala izdavačka djelatnost
- 55.233 Studentski domovi
- 55.510 Kantine
- 72.100 Pružanje konzultantskih usluga u vezi sa računarskom opremom (hardver)
- 72.220 Ostale konzultantske usluge i izrada softvera
- 72.300 Obrada podataka
- 72.400 Izrada i upravljanje bazama podataka
- 73.101 Istraživanje i eksperimentalni razvoj u prirodnim naukama
- 73.102 Istraživanje i eksperimentalni razvoj u tehničkim i tehnološkim naukama
- 73.201 Istraživanje i eksperimentalni razvoj u društvenim naukama
- 74.112 Ostali pravni poslovi
- 74.130 Istraživanje tržišta i ispitivanje javnog mnijenja
- 74.140 Poslovni i menadžment konzalting
- 80.301 više obrazovanje
- 80.302 Visoko obrazovanje
- 80.420 Obrazovanje odraslih i ostalo obrazovanje d.n.
- 85.122 Zdravstveno-preventivna praksa
- 85.321 Djelatnost organizacija za zbrinjavanje invalida
- 92.310 Umjetničko i književno stvaralaštvo i scenska umjetnost
- 92.610 Djelatnost sportskih objekata i stadiona
- 92.620 Ostale sportske djelatnosti
- 92.720 Ostale rekreativne djelatnosti d.n.

PRAVNI STATUS: **Organizaciona jedinica Univerziteta – PRAVNI FAKULTET**
PRAVNI OSNOV: Zakon o Univerzitetu „Sl. Glasnik USK“ br.16/09, od 16. 10. 2009.
IDENT. BROJ: **4263100670033**
Telefon: (00387) 037 310 990; 037 312990; 037 312409
Web-adress: www.pravnifakultet.ba
E-mail: pravni.fakultet@bih.net.ba

2.1. Odgovorne osobe

1. Dekan Pravnog fakulteta:

- Prof. dr. sc. Nevzet Veladžić

2. Prodekani:

- Prof. dr. sc. **Genc Trnavci**, prodekan za naučno – istraživački rad
- Prof. dr. sc. **Suad Hamzabegović**, prodekan za nastavu i studentska pitanja

2.2. Upravljačka struktura

U skladu sa članom 15. i 31. Zakona o Univerzitetu u Bihaću (Sl. glasnik br. 16., od 16. oktobra 2009. godine) utvrđene su upravljačke strukture na Univerzitetu kao javnoj ustanovi te na fakultetima kao organizacionim jedinicama, kako slijedi:

Univerzitet:

- Upravni odbor Univerziteta
- Senat Univerziteta
- Rektor

Fakultet/Organizaciona jedinica:

- Nastavno – naučno vijeće Fakulteta
- Dekan

Upravni odbor Univerziteta:

Napomena: Upravni odbor trenutno nije konstituisan.

Članovi Senata ispred Pravnog fakulteta:

1. Prof. dr. sc. Nevzet Veladžić
2. Prof. dr. sc. Suad Hamzabegović

2.3. Organi Pravnog fakulteta

2.3.1. Nastavno – naučno vijeće Pravnog fakulteta

Nadležnost nastavno – naučnog vijeća je regulirano Statutom Univerziteta, a među glavnim nadležnostima su:

- Predlaže nastavni plan i program za organizacionu jedinicu kao dio integralnog nastavnog plana i programa Univerziteta;
- Donosi odluke o akademskim, naučnim i stručnim pitanjima na nivou fakulteta;
- Formira komisije u postupku stjecanja naučnog stepena magistra i imenuje mentora. Isto tako predlaže komisiju u postupku stjecanja naučnog stepena doktora nauka te predlaže mentora;
- Bira i razrješava dekana u zakonom predviđenoj proceduri uz suglasnost Senata;
- Bira prodekana i predstavnika u Senatu tajnim glasanjem;
- Imenuje komisiju za pripremanje prijedloga za izbor nastavnika i saradnika;
- Utvrđuje prijedlog za izbor kandidata u akademska zvanja;
- Odlučuje o prigovorima studenata na odluke dekana o pojedinačnim pravima, obavezama i odgovornostima studenata;

Nastavno – naučno vijeće kao najznačajniji organ našeg fakulteta u svojoj strukturi ima, pored nastavnika (profesori) i predstavnike asistenata, viših asistenata i predstavnike studenata, kako je to Okvirni zakon o visokom obrazovanju BiH predvidio. Nastavno – naučno vijeće Pravnog fakulteta čine:

1. Prof. dr. sc. Nevzet Veladžić
2. Prof. dr. sc. Genc Trnavci
3. Prof. dr. sc. Nedžad Bašić
4. Prof. dr. sc. Suad Hamzabegović
5. Prof. dr. sc. Mehmed Alijagić
6. Prof. dr. sc. Amela Čolić
7. Doc. dr. Nikola Findrik
8. Doc. dr. Albin Muslić
9. Mr. sc. Amna Toromanović
10. Mr. sc. Asmira Bećiraj
11. Mr. iur. Ajna Bakrač
12. Mr. iur. Sanja Cerić
13. Predstavnik studenata I ciklusa studija
14. Predstavnik studenata II ciklusa studija

U toku 2014. godine održano je devet (9) redovnih i sedam (7) vanrednih sjednica Nastavno – naučnog vijeća. Na sjednicama su razmatrana brojna pitanja vezana za nastavu i funkcioniranje Fakulteta te na istim su donesene ukupno 71 odluka, 7 zaključaka i određeni broj preporuka, izvještaja i inicijativa.

Napomena: Predsjednik Nastavno – naučnog vijeća po funkciji je dekan Fakulteta, prof. dr. sc. Nevzet Veladžić, a prema poslovniku o radu Nastavno – naučnog vijeća mijenja ga prodekan za nastavu i studentska pitanja prof. dr. sc. Suad Hamzabegović.

2.3.2. Vijeće za postdiplomski studij:

1. Prof. dr. sc. Nevzet Veladžić, predsjednik
2. Prof. dr. sc. Suad Hamzabegović
3. Prof. dr. sc. Dženana Čaušević
4. Prof. dr. sc. Genc Trnavci
5. Prof. dr. sc. Amela Čolić

2.3.3. Vijeće za doktorski studij:

1. Prof. dr. sc. Nevzet Veladžić, predsjednik
2. Prof. dr. sc. Suad Hamzabegović
3. Prof. dr. sc. Dženana Čaušević
4. Prof. dr. sc. Genc Trnavci
5. Prof. dr. sc. Mehmed Alijagić

2.3.4. Klasifikacija naučnih oblasti

NAUČNO POLJE	NAUČNA OBLAST/ NAUČNA GRANA	PREDMETI
PRAVO	PRAVNO-HISTORIJSKA	Opća historija države i prava Državnopravni razvitak Bosne i Hercegovine (i pripadajući izborni predmeti)
	RIMSKO PRAVO	Rimsko pravo (i pripadajući izborni predmeti)
	GRAĐANSKO PRAVO	Uvod u građansko pravo Stvarno pravo Porodično pravo Nasljedno pravo Obligaciono pravo Pravo intelektualnog vlasništva Građansko procesno pravo Međunarodno privatno pravo Trgovačko pravo (i pripadajući izborni predmeti)
	KRIVIČNO PRAVO	Krivično pravo Krivično procesno pravo (i pripadajući izborni predmeti)
	PRAVNO-EKONOMSKA	Uvod u ekonomiju Ekonomska politika Finansije i finansijsko pravo Statistika (i pripadajući izborni predmeti)
	MEĐUNARODNO JAVNO PRAVO I EVROPSKE STUDIJE	Međunarodno javno pravo Međunarodni odnosi i sigurnosne studije Pravni i politički sistemi EU Uporedni pravno-politički sistemi (i pripadajući izborni predmeti)
	SOCIOLOGIJA I LJUDSKA PRAVA	Sociologija Demokracija i ljudska prava Metodologija društvenih i pravnih nauka (i pripadajući izborni predmeti)
	DRŽAVNO PRAVO	Uvod u nauku o državi i pravu Ustavno pravo Upravno pravo Upravno procesno pravo Radno i socijalno pravo (i pripadajući izborni predmeti)

2.4. Kadrovska struktura fakulteta

<i>Ukupan broj zaposlenih</i>	<u>27</u>	
▪ Nastavnika	8	
▪ Viših asistenata	8	
▪ Asistenata	-	
▪ Administracija	11	
○ Sekretar		1
○ Tehnički sekretar		1
○ Stud.slужba		3
○ Informatički centar		1
○ Biblioteka		1
○ Pomoćno tehničko osoblje	4	(noćni čuvar, kurir/vozač, čistačice)

3. STUDIJ I CIKLUSA

3.1. Općenito

Pravni fakultet Univerziteta u Bihaću organizuje studij I ciklusa po principima Bolonjske deklaracije u trajanju od četiri godine/VII stepen sa ukupno 240 ECTS bodova i zvanjem *Bakalaureat/Bachelor prava*. Nastavnu djelatnost izvodili su eminentni stručnjaci, a u cilju prenošenja iskustava i normativnih rješenja organizivana su gostujuća predavanja istaknutih stručnjaka. Izvođenje nastavne djelatnosti s jedne strane, studentima pruža sticanje teorijskih, doktrinarnih i normativnih izučavanja, a s druge strane i praktična znanja i iskustva kroz praktične vježbe, simulirana suđenja i pravno-kliničku nastavu. Pravni fakultet Univerziteta u Bihaću također omogućuje studentima direktno upoznavanje sa funkcionisanjem ustanova u pravosudnom sistemu Bosne i Hercegovine.

3.2. Nastavna djelatnost

Nastavna djelatnost za studente Pravnog fakulteta Univerziteta u Bihaću organizira se temeljem Nastavnog plana i programa, Standarda i normativa za obavljanje djelatnosti visokog obrazovanja na području Unsko-sanskog kantona, te u skladu s Kalendarom za svaku akademsku godinu. S obzirom da razvoj tehnologije i znanja zahtjeva stalnu promjenu i prilagodbu postojećih studijskih programa, ali i pokretanje novih, inicirali smo izmjenu postojećeg studijskog plana i programa s ciljem unaprjeđenja ukupnog nastavnog procesa. Kroz stalno unaprjeđivanje svih razina visokoškolskog obrazovanja, u prošloj godini zvanje doktora nauka su stekli mr. sc. Ermina Ramić, mr. sc. Nikola Findrik i mr. sc. Albin Muslić, a zvanje magistra prava su stekle Sanja Cerić i Ajna Bakrač čime se doprinosi postizanju kvalitetnijeg odnosa u izvođenju nastave od strane „vlastitog“ kadra.

3.3. Nastavni plan i program/realizacija nastave

Nastava za studente Pravnog fakulteta Univerziteta u Bihaću u zimskom semestru akademske 2013/14. godine organizovana je u skladu s Kalendarom za akademsku 2013/14. godinu, u periodu od 7. 10. 2013. - 18. 1. 2014. godine. Nastava u ljetnom semestru organizirana je u periodu od 3. 3. 2014. – 14. 7. 2014. godine. Januarsko-februarski ispitni rokovi su organizirani u periodu od 27. 1. 2014. – 22. 2. 2014., junsko-julski od 23. 6. 2014. – 19. 7. 2014. i septembarski od 1. 9. 2014. – 30. 9. 2014. godine. Apsolventski ispitni rokovi uredno su se održavali. Niže navedeni tabelarni prikaz omogućuje uvid u Nastavni plan i program Pravnog fakulteta Univerziteta u Bihaću u zimskom i ljetnom semestru koji se izvodio u akademskoj 2013/14. godini. Isti omogućuje uvid u listu predmeta koja se izučava na fakultetu sa brojem sati određenih Nastavnim planom i programom, ali i Rješenjem o povjeravanju predmeta za akademsku 2013/14. godinu, u skladu sa Standardima i normativima za obavljanje djelatnosti visokog obrazovanja na području Unsko-sanskog kantona. Nadalje, prikaz nastavnika i saradnika po pojedinim predmetima, kao i procentualni prikaz odrađene nastave, odnosno realiziranog Nastavnog plana i programa.

Zimski semestar-nastavnici u radnom odnosu

Predmet	Nosilac predmeta	NPiP / Rješenje	Odrađeno sati nastave
Uvod u nauku o državi i pravu	Doc. dr. sc. Amela Čolić	90/90	90
Opća historija države i prava	Prof. dr. sc. Dženana Čaušević	60/60	60
Državnopravni razvitak BiH	Prof. dr. sc. Dženana Čaušević	90/90	90
Metodologija društvenih nauka	Prof. dr. sc. Nevzet Veladžić	60/60	60
Nasljedno pravo	Prof. dr. sc. Suad Hamzabegović	45/45	45
Pravo lokalne i regionalne samouprave	Prof. dr. sc. Mujo Demirović	30/30	30
Uporedni pravno-politički sistemi	Prof. dr. sc. Mujo Demirović	60/60	60
Obligaciono pravo	Prof. dr. sc. Genc Trnavci	90/90	90
Međunarodni odnosi i sigurnosne studije	Prof. dr. sc. Nedžad Bašić	60/60	60
Pravni i politički sistem EU	Prof. dr. sc. Nedžad Bašić	45/45	49
Građansko procesno pravo I	Prof. dr. sc. Suad Hamzabegović	45/45	45
Demokracija i ljudska prava	Prof. dr. sc. Mujo Demirović	45/45	45
Upravljanje organizacijskim ponašanjem	Prof. dr. sc. Nevzet Veladžić	30/30	30
Evropske integracije i standardizacija	Prof. dr. sc. Nedžad Bašić	30/30	30

Zimski semstar-viši asistenti i asistenti

Predmet	Viši asistent/asistent	NPiP / Rješenje	Odrađeno sati nastave
Uvod u nauku o državi i pravu	Sanja Cerić	30/120	120
Opća historija države i prava	Mr. sc. Amna Toromanović	15/60	60
Državnopravni razvitak BiH	Mr. sc. Amna Toromanović	30/120	120
Metodologija društvenih nauka	Sanja Cerić	15/60	60
Uvod u građansko pravo	Mr. sc. Albin Muslić	30/90	90
Nasljedno pravo	Mr. sc. Albin Muslić	15/45	45
Krivično pravo	Mr. sc. Nikola Findrik	30/90	90
Pravo lokalne i regionalne samouprave	Mr. sc. Jasmina Bešlagić	15/30	30
Kriminologija	Mr. sc. Nikola Findrik	15/15	15
Upravno pravo	Mr. sc. Elvedin Sedić	15/45	48

Uporedni pravno-politički sistemi	Mr. sc. Jasmina Bešlagić	15/45	44
Krivično procesno pravo	Mr. sc. Nikola Findrik	30/90	90
Obligaciono pravo	Mr. sc. Belma Bajrić	30/90	90
Međunarodni odnosi i sigurnosne studije	Ajna Bakrač	30/90	87
Pravni i politički sistem EU	Ajna Bakrač	15/45	45
Građansko procesno pravo I	Mr. sc. Asmira Bećiraj	30/90	90
Demokracija i ljudska prava	Mr. sc. Jasmina Bešlagić	15/45	45
Upravljanje organizacijskim ponašanjem	Mr. sc. Jasmina Bešlagić	15/30	30
Evropske integracije i standardizacija	Ajna Bakrač	15/45	45
Notarsko pravo	Mr. sc. Albin Muslić	15/30	30

Zimski semestar-vanjski saradnici

Predmet	Nosilac predmeta	NPiP / Ugovor	Odrađeno sati nastave
Latinski jezik	Prof. Džanšah Agić	30/30	30
Uvod u građansko pravo	Prof. dr. sc. Enes Hašić	60/60	60
Krivično pravo	Prof. dr. sc. Zvonimir Tomić	90/90	90
Statistika	Prof. dr. sc. Azra Bišćević	45/45 (predavanja) 15/45 (vježbe)	45 45
Kriminologija	Prof. dr. sc. Borislav Petrović	30/30	30
Upravno pravo	Prof. dr. sc. Zenaid Đelmo	45/45	45
Krivično procesno pravo	Prof. dr. sc. Miodrag Simović	90/90	90
Notarsko pravo	Prof. dr. sc. Enes Hašić	30/30	30

Ljetni semestar – nastavnici u radnom odnosu

Predmet	Nosilac predmeta	NPiP / Rješenje	Odrađeno sati nastave
Prof. dr. sc. Nevzet Veladžić	Sociologija sa sociologijom prava	90/90	90
Prof. dr. sc. Dženana Čaušević	Rimsko pravo	90/90	90
Prof. dr. sc. Suad Hamzabegović	Građansko procesno pravo II	45/45	45
	Pravna klinika iz GPP-a	30/30	30
Doc. dr. sc. Amela Čolić	Pravo EU	30/30	30
Prof. dr. sc. Genc Trnavci	Pravo intelektualnog vlasništva	45/45	45
	Komparativno mjenično pravo	30/30	30
Prof. dr. sc. Mehmed Alijagić	Finansije i finansijsko pravo	60/60	60
	Ekonomska politika	60/60	60

Ljetni semestar – vanjski saradnici

Predmet	Nosilac predmeta	NPiP / ugovor (predavanja)	NPiP / ugovor (vježbe)	Odrađeno sati nastave
Engleski jezik I	Prof. dr. sc. Đorđe Slavnić	30/30	30/30	30 30
Engleski jezik II	Prof. dr. sc. Đorđe Slavnić	30/30	30/30	30 30
Njemački jezik II	Ass. Emira Beriša		30/30	30
Njemački jezik II	Prof. dr. sc. Zrinka Čoralić	30/30		0
Uvod u ekonomiju	Prof. dr. sc. Azra Bišćević	60/60	30/120	60 120
Porodično pravo	Prof. dr. sc. Suzana Bubić	45/45		45
Stvarno pravo	Prof. dr. sc. Enes Hašić	45/45		45
Ustavno pravo	Prof. dr. sc. Nedim Ademović	90/90		90
Međunarodno javno pravo	Doc. dr. sc. Hamdija Lipovača	60/60		60
Radno i socijalno pravo	Doc. dr. sc. Sead Dizdarević	60/60		46
Upravno procesno pravo	Prof. dr. sc. Zenaid Đelmo	45/45		45
Trgovačko pravo	Doc. dr. sc. Arif Nanić	90/90		76
Međunarodno privatno pravo	Prof. dr. sc. Vilim Bouček	90/90		90

Ljetni semestar – viši asistent/asistent

Predmet	Viši asistent/ asistent	NPIP / Rješenje	Odradeno sati nastave
Međunarodno privatno pravo	Mr.sc. Asmira Bećiraj	30/90	90
Porodično pravo	Mr.sc. Asmira Bećiraj	15/45	45
Građansko procesno pravo II	Mr.sc. Asmira Bećiraj	30/90	90
Rimsko pravo	Mr.sc. Amna Toromanović	30/120	120
Stvarno pravo	Mr.sc. Albin Muslić	15/45	45
Trgovačko pravo	Mr.sc. Belma Bajrić	30/90	90
Pravo intelektualnog vlasništva	Mr.sc. Belma Bajrić	15/45	45
Komparativno mjenično pravo	Mr.sc. Belma Bajrić	15/15	15
Radno i socijalno pravo	Mr.sc. Jasmina Bešlagić	30/90	90
Upravno procesno pravo	Mr.sc. Elvedin Sedić	30/90	90
Ustavno pravo	Mr.sc. Elvedin Sedić	30/90	90
Sociologija sa sociologijom prava	Ass. Sanja Cerić	90/120	120
Međunarodno javno pravo	Ass. Ajna Bakrač	15/45	45
Pravo EU	Ass. Ajna Bakrač	15/30	30
Pravna klinika iz GPP-a	Ass. Ajna Bakrač	15/30	30
Finansije i finansijsko pravo	Mr.sc. Ermina Ramić	15/45	45
Ekonomska politika	Mr.sc. Ermina Ramić	30/90	90

3.4. Ispitni rokovi

Ispitni rokovi organiziraju se u skladu s Kalendarom za akademsku godinu. Januarsko-februarski ispitni rokovi su organizirani u periodu od 27. 1. 2014. – 22. 2. 2014., junsko-julski od 23. 6. 2014. – 19. 7. 2014. i septembarski od 1. 9. 2014. – 30. 9. 2014. godine.

Sumarni prikaz

	Januarsko-februarski ispitni rok						Junsko-julski ispitni rok						Septembarski ispitni rok								
	Januar			Februar			Jun			Jul			Septembar I			Septembar II			Oktobar		
	R	V	Σ	R	V	Σ	R	V	Σ	R	V	Σ	R	V	Σ	R	V	Σ	R	V	Σ
Broj prijava	560	138	698	500	150	650	593	120	713	593	135	728	557	105	662	552	125	677	335	74	409
NPI	217	35	252	169	47	216	167	28	195	133	31	164	174	31	205	142	32	174	119	24	143
Pristupilo ispitu	343	103	446	331	103	434	426	92	518	460	104	564	383	74	457	410	93	503	216	50	266
Položilo	145	29	174	122	42	164	217	40	257	209	46	255	157	30	187	253	48	301	124	34	158
Prosječna ocjena	7,68	6,93	7,56	7,59	6,57	7,33	7,86	7,00	7,73	7,24	6,80	7,16	7,20	6,83	7,14	7,06	6,56	6,98	6,57	6,26	6,51
10	20	2	22	20	0	20	27	1	28	14	0	14	12	1	13	9	0	9	0	0	0
9	21	1	22	10	2	12	36	5	41	19	2	21	11	1	12	18	0	18	3	1	4
8	32	5	37	25	2	27	68	5	73	48	7	55	31	5	36	55	7	62	16	1	17
7	37	6	43	34	14	48	52	11	63	51	17	68	46	8	54	68	13	81	30	4	34
6	35	15	50	33	24	57	34	18	52	77	20	97	57	15	72	103	28	131	75	28	103
5	198	74	272	209	61	270	209	52	261	251	58	309	226	44	270	157	45	202	92	16	108

	Januar-februar		Jun-jul		Septembar		Ukupno		
	R	V	R	V	R	V	R	V	Σ
Primljeno prijava za polaganje ispita	1060	288	1186	255	1444	304	3690	847	4537
Pristupilo ispitu	674	206	886	196	1009	217	2569	619	3188
Položilo	267	71	426	86	534	112	1227	269	1496
Prosječna ocjena	7,64	6,72	7,56	6,90	6,99	6,54	7,33	6,70	7,22
10	40	2	41	1	21	1	102	4	106
9	31	3	55	7	32	2	118	12	130
8	57	7	116	12	102	13	275	32	307
7	71	20	103	28	144	25	318	73	391
6	68	39	111	38	235	71	414	148	562
5	407	135	460	110	475	105	1342	350	1692

3.5. Pravna klinika

Cijeneći značaj sticanja praktičnih znanja i iskustava, kao i otvorenost za različite oblike saradnje kako sa institucijama iz javnog sektora, tako i nevladinim organizacijama, Pravni fakultet Univerziteta u Bihaću organizirao je izvođenje pravno-kliničke nastave. Usavršavanje studenata, odnosno upoznavanje sa praktičkim aspektima pravnog zvanja omogućeno je kroz Pravnu kliniku iz Građanskog procesnog prava pod koordinatorsvom prof. dr. sc. Suada Hamzabegovića i mr. sc. Asmire Bećiraj. Polaznicima klinike iz Građanskog procesnog prava omogućena je i razmjena dobrih praksi i iskustava kroz saradnju sa drugim fakultetima u zemlji i inostranstvu.

3.6. Sporazumi od značaja za unaprijeđenje nastavne djelatnosti i mobilnosti studenata

Prepoznavajući potrebu međunarodne saradnje u primjeni „bolonjskog procesa“ i uspostavljanja saradnje na područjima zajedničkog interesa, a naročito cijeneći mobilnost studenata i u 2014. godini nastavljeno je s praksom potpisivanja sporazuma o saradnji. S ciljem zajedničkog sudjelovanja u naučnoistraživačkoj djelatnosti, organiziranju međunarodnih konferencija, izdavačkoj djelatnosti, knjižničnoj saradnji i razmjeni studenata, prof. dr. sc. Nevzet Veladžić i prof. dr. sc. Igor Bojanić potpisali su 22. 5. 2014. godine u Osijeku *Sporazum o akademskoj saradnji između Pravnog fakulteta Univerziteta u Bihaću i Pravnog fakulteta Sveučilišta Josipa Jurja Strossmayera.*

4. STUDIJ II CIKLUSA

Redovna nastavna aktivnost Pravnog fakulteta Univerziteta u Bihaću je organizacija II ciklusa studija. U skladu s tim, te na osnovu Odluke Senata o prijedlogu plana upisa u I (prvu) godinu II ciklusa studija raspisan je Konkurs/Natječaj za upis studenata u prvu godinu II ciklusa studija na Pravnom fakultetu Univerziteta u Bihaću.

Na prvoj (I) godini II ciklusa studija u akademskoj 2014/15. godini na Pravnom fakultetu u Bihaću organizirana je nastava na Krivično-pravnom smjeru u skladu sa interesom prijavljenih kandidata. U skladu sa Odlukom NNV-a Pravnog fakulteta nastava u okviru I (prvog) semestra počela je u oktobru 2014. godine i provodi se prema unaprijed planiranom planu i programu.

Tri kandidata su uspješno odbranila Master rad u toku 2014. godine.

5. NAUČNO – ISTRAŽIVAČKI RAD

Kvalitetan naučno-istraživački rad jedan je od najvažnijih resursa današnjice u svim oblastima ljudskog djelovanja. Razumije se da je, samo po sebi, visoko obrazovanje koje se stiče na univerzitetima, samo polazni neophodan korak i da se proces obrazovanja nastavlja tokom cijelog radnog vijeka kroz tzv. cjeloživotno učenje (*Life Long Learning*).

Ključni problem naučno-istraživačkog rada je nedovoljna finansijska podrška. Izdvajanja za ovu oblast su najniža u regionu, a višestruko su niža od izdvajanja u razvijenim zemljama. Poseban problem su doktorske studije koje ne mogu egzistirati bez naučno-istraživačkih projekata, i koje mora neko finansirati. Osim toga svaki univerzitetski profesor mora pratiti razvoj naučnih saznanja i doprinositi razvoju nauke i struke.

Svaka država koja želi da se normalno razvija i ide naprijed mora se osloniti na univerzitet i nauku kao temelje svoga razvoja. Nauka i znanje moraju se stimulisati i staviti u funkciju razvoja. Pravni fakultet Univerziteta u Bihaću je prepoznao da razvoj društva dominantno zavisi od primjene naučnih rezultata i dostignuća.

Primjetno je intenziviranje naučno-istraživačkog rada nastavnika i saradnika na Pravnom fakultetu u Bihaću, što predstavlja ohrabrenje i pomak u ispunjavanju zahtjeva praćenja i izvještavanja o svojim naučno-istraživačkim aktivnostima, koja je temelj za internu evaluaciju od strane samog Pravnog fakulteta i Univerziteta u Bihaću, kao i eksternu evaluaciju od strane Osnivača i Agencije za razvoj visokog obrazovanja i osiguranje kvalitete BiH.

Zabrinjava činjenica da Pravni fakultet u Bihaću nije dobio bilo kakvu podršku od strane Osnivača u domenu naučno-istraživačkoga rada, niti se osnivač do sada dovoljno oslanjao na naučno-istraživački potencijal Pravnog fakulteta u Bihaću, u procesu istraživanja i reforme pravnog sistema USK.

5.1. Saradnja sa stranim univerzitetima

Na prijedlog dr. Nedžada Bašića, profesora Pravnog fakulteta, formiran je virtualni Centar za ljudska prava i prevenciju konflikta. Originalni naziv Centra je: HUMAN RIGHTS CONFLICT PREVENTION CENTRE, UNIVERSITY IN BIHAĆ (HRCPC). Prof. dr. Nedžad Bašić imenovan je za direktora ovog virtualnog Centra.

Cilj osnivanja ovog Centra je bio prije svega kreiranje znanstvenog fokusa Pravnog fakulteta Univerziteta u Bihaću koji bi mogao biti najlakše unijeti u sami epicentar interesa međunarodne akademske zajednice kako bi se time stvorili uvjeti za efektivnije povezivanje Univerziteta u Bihaću sa drugim prominentnim univerzitetskim i istraživačkim centrima u međunarodnoj zajednici. Cilj povezivanja sa akademskom zajednicom formuliran je prije svega u interesu kreiranja akademske klime na Univerzitetu u Bihaću u kojoj bi bili otvoreni širi prostori za razvoj novog obrazovnog programa i naučnog istraživačkog rada i implementacija nove metodologije edukacije studenata.

Drugi cilj osnivanja ovog Centra bio je da se naučno-istraživački rad striktno poveže sa nastavnim programom na Univerzitetu. U okviru ovog Centra pokrenuta je inicijativa da se svi magistarski radovi i doktorske disertacije koje se brane na Pravnom fakultetu Univerziteta u Bihaću lociraju u ovom Centru, gdje bi se ove teze razvijale u formi istraživačkih projekata,

kojima bi Univerzitet u Bihaću aplicirao za finansijska sredstva koje bi kandidati mogli koristiti za njihov naučno-istraživački rad na ovom projektu.

Treći cilj osnivanja ovog Centra je da se svi ovi naučno-istraživački projekti linkiraju sa istim ili sličnim projektima koji se rade na drugim domaćim i međunarodnim univerzitetima, te da se naučno-istraživački rezultati ovih istraživanja direktno transferišu u nastavnu materiju Univerziteta u Bihaću. Sa realizacijom ova tri cilja bio bi ostvaren kompletan program modernizacije naučno-istraživačkog rada i edukacije na Univerzitetu u Bihaću. Kao rezultat ovih istraživačkih projekata na Pravnom fakultetu Univerziteta u Bihaću formirana su dva nastavna predmeta: Međunarodni odnosi i sigurnosne studije i Pravni i politički sistem EU. Centar je otvorio proces dovođenja stranih profesora, kao gostujućih profesora i istraživača na Univerzitet u Bihaću.

Cilj istraživačke aktivnosti Centra je uspostavljanje direktne kooperacije sa istraživačkim timovima i pojedincima koji su angažirani na poznatim zapadno-evropskim i američkim univerzitetima te na poznatim univerzitetima u islamskim zemljama. Koristeći iskustvo jednih i drugih Centar planira razviti specifičnu dimenziju istraživanja uzroka konflikta u ovom milenijumu i tragati za novim modelima rješavanja konflikta u eri globalizacije.

Jedan od glavnih ciljeva formiranja i egzistencije Centra je upravo postupno kreiranje mogućnosti da ovaj Centar Univerziteta u Bihaću izraste u jednu od značajnijih akademskih institucija posredovanja u akademskoj saradnji između univerziteta iz zapadno-evropske akademske zajednice i akademske zajednice iz islamskih zemalja, sa čime bi se perspektive razvoja našeg Univerziteta znatno poboljšale a njegov akademski rejting unaprijedio. U tom cilju Centar je kreirao i međunarodni univerzitetski konzorcijum za komparativne studije iz oblasti međunarodnog javnog prava, međunarodnog islamskog prava i međunarodnih odnosa. U okviru ovog Centra provedeni su brojni istraživački projekti koji su uvijek bili praćeni publikovanjem brojnih naučnih radova u poznati međunarodnim časopisima.

U okviru ovog virtualnog Centra, prof. N. Bašić pokrenuo je međunarodni časopis „Research Papers“, kao unikatni časopis koji izlazi na engleskom jeziku i koji okuplja preko 85 profesora i istraživača iz cijelog svijeta. Redakcija ovog časopisa je međunarodna i svaki novi broj ovog časopisa recenzira se i uređuje se na različitim univerzitetima u USA ili EU. Temeljni cilj ovog časopisa je objavljivanje prvih svježih ideja i teoretskih koncepcija i novog oblika razmišljanja o uzrocima i mogućnostima rješavanja novog oblika svjetskog konflikta kao i razmatranje mogućnosti rješavanja socijalnih i političkih konflikata na području Balkana, posebno BiH. Do sada je u časopisu objavljeno je više 1075 stranica teksta poznatih autora iz različitih zemalja sirom svijeta. Časopis nastoji prije svega fokusirati značajna pitanja i probleme međunarodne zajednice, te promovirati, koliko je to moguće, rukopise bosansko-hercegovačkih autora. Časopis se distribuira u sve značajnije biblioteke svijeta sa kojima je uspostavljena naučno-istraživačka saradnja i međuredakcijske razmjene periodike:

1. Stockholm International Peace Research Institute (SIPRI), Stockholm, Sweden;
2. United States Institute of Peace (USIP), Washington;
3. Utah State University, USA;
4. Study Conflict Center, Fredericton, Canada;
5. Sout-East Europe Center, London;

Časopisom „Research papers“ rukovodi Glavni i odgovorni urednik prof. dr. Nedžad Bašić, koji je formirao međunarodnu redakciju koja je sastavljena od poznati univerzitetskih

profesora: Sabine Collmer, George C. Marshall Center, Germany; Rev. Dr. Nikitah Okembe-RA Imani, University of Nebraska-Omaha, USA; Sara Tonolo, Università di Trieste, Italy; Teylor Seybolt, University of Pittsburgh, USA; Ibrahim Al Naimi, University of Qatar, DICID, Qatar; Lavinia Stan, St. Francis Xavier University, Montreal, Canada; Mawdudur Rahman, Suffolk University, Boston, USA; Peter Stoett, Concordia University, Montreal, Canada; Pantelis Sklias, University of Peloponnese, Greece; Mohammad Zia ul Haq, International Islamic University, Islamabad, Pakistan; Arabinda Acharya, University of Singapore, Singapore; Swaran Singh, Jawaharlal Nehru University, New Delhi India; John Shamsuddin Hj Sabaruddin, University of Malaya, Kuala Lumpur, Malaysia.

5.2. Saradnja sa drugim fakultetima

U svrhu primjene «bolonjskog procesa», uvažavajući obostranu dobrobit od znanstvene saradnje i akademske razmjene Pravni fakultet Univerziteta u Bihaću je potpisao sporazum od značaja za unaprijeđenje nastavne djelatnosti i mobilnosti studenata: *Sporazum o akademskoj suradnji između Pravnog fakulteta Univerziteta u Bihaću i Pravnog fakulteta Sveučilišta Josipa Jurja Strossmayera u Osijeku* kojim se uređuju ciljevi saradnje kao što su poticanje razmjene i saradnje nastavnog osoblja i studenata, sudjelovanje u naučno-istraživačkim projektima, organiziranje međunarodnih konferencija, razmjena studenata između dviju visokoškolskih ustanova, razmjena nastavnih planova i programa.

Značajno je napomenuti da je Pravni fakultet, u proteklom periodu sklapao sporazume sa drugim fakultetima i ustanovama, a posebno značajni su: *Sporazum o akademskoj suradnji između Pravnog fakulteta Univerziteta u Bihaću i Pravnog fakulteta Sveučilišta u Zagrebu/Pravna klinika Pravnog fakulteta Sveučilišta u Zagrebu*, *Sporazum o akademskoj suradnji između Pravnog fakulteta Univerziteta u Bihaću i Univerziteta u Pazaru, departman za pravne nauke*, *Sporazumom o saradnji između Pravnog fakulteta Univerziteta u Bihaću i Internews-a u Bosni i Hercegovini*, *Porazum o saradnji između Pravnog fakulteta Univerziteta u Bihaću i Centra za društvena istraživanja visokoškolske ustanove Internacionalni univerzitet Burč*.

5.3. Saradnja sa srednjim školama

Pravni fakultet Univerziteta u Bihaću svake godine realizira aktivnosti vezane za predstavljanje Pravnog fakulteta maturantima svih srednjih škola na području Unsko-sanskog kantona. Izabrali su poziv koji će suštinski odrediti njihov profesionalni život i karijeru sigurno nije niti jednostavno niti lako. Stoga je primarni cilj ovih aktivnosti maturantima što bliže predstaviti svoje programe studiranja i na taj način im olakšati dileme oko upisa na prvu godinu studija za nadolazeću akademsku godinu, jer je pružanje pravovremenih informacija od ključne važnosti pri donošenju jako važne životne odluke o nastavku školovanja.

Cilj istraživanja je da se saznaju stavovi maturanata – učenika četvrtih razreda srednjih škola na USK o izboru studija (da li žele studirati, šta i gdje studirati, zašto nastavljaju obrazovanje, koji su im najvažniji kriterijumi prilikom izbora studija).

Anketno istraživanje u 2014. godini sprovedeno je u periodu od 10.04. do 25.04.2014. godine. Informativni čas pružio je maturantima informacije vezane za upis na Pravni fakultet, oblike nastavnog procesa, vrste studija, te stečena znanja i zvanja koja će ih nakon stjecanja fakultetske diplome učiniti prepoznatljivim i traženim na tržištu rada. Informativni čas trajao je 45 minuta, a obuhvatao je power point prezentaciju, eventualna pitanja maturanata i

diskusiju. Tom prigodom maturantima je podijeljen i informativni materijal o našem fakultetu. Pored toga, maturanti su popunili anonimne anketne upitnike. U ispitivanju je učestvovalo 639 maturanta.

Prezentaciju studijskog programa, kao i odgovore na pitanja i anketu, obradu anketa sproveli su asistenti i viši asistenti Pravnog fakulteta Univerziteta u Bihacu.

Prema rezultatima ankete sprovedene među maturantima, osnovna motivacija za studiranje maturantima je želja da steknu više znanja iz oblasti koje ih interesuju, kao i razmišljanje da je sa fakultetskom diplomom lakše nađe posao. Na trećem mjestu je očekivanje da će kao akademski građani imati više šansi u inostranstvu. Razlozi koji nemaju mnogo veze sa sticanjem znanja, kvalifikacija i njihovom upotrebom se ipak rjeđe navode (porodica očekuje da studiram, ne znam šta bih radio poslije srednje škole, još ne želim da radim).

Među budućim studentima vlada najveće interesovanje za državne fakultete i to za studije u oblasti medicina/stomatologija, te vojska/policija/kriminalistika. U popularnije oblasti ove godine spadaju još pravo, elektrotehnika i pedagogija. Za preostale oblasti vlada približno jednako interesovanje.


U izboru fakulteta, maturanti pokazuju visoki osjećaj za praktičnost i razmišljanje o svojoj budućnosti nakon studija. Na prvom mjestu razloga za izbor fakulteta je procjena mogućnosti zaposlenja sa diplomom odabranog fakulteta, kao i stjecanje praktičnog znanja koje će moći da upotrebe u praksi. Među razlozima koji se često navode su i stručan profesorski kadar, prihvatljiva školarina i dobra organizacija visokoškolske ustanove.

Apsolutna većina ispitanika želi upisati državni fakultet.

Glavne rezultate istraživanja sa grafičkim i tabelarnim prikazom slijede u daljnjem tekstu.

a) Prosjek ispitanika

Učesnike ankete smo pitali koji im je bio prosjek na kraju trećeg razreda srednje škole. Najveći broj ispitanika (40%, odnosno njih 253) je reklo da su vrlo dobri učenici. Za njima slijede oni sa odličnim prosjekom, kojih ima 30%, odnosno 192 ispitanika. Udio onih čiji je prosjek dobar je bio 23%, odnosno 148 ispitanika, onih čiji je prosjek dovoljan 0,47%, odnosno tri ispitanika.



Grafikon 1. Prosjek ocjena ispitanika

b) Rezultati istraživanja

Oblast studija


Da li si odlučio/la šta bi želio/željela studirati?

Većina maturanata već zna šta bi željeli da studiraju (42% ispitanih), njih 40% i dalje dvoume oko fakulteta, dok samo 17% nema ideju šta bi voljelo da studira.

Da odlučio/la sam ili dvoumim se!

Od ispitanika koji su se već odlučili koju oblast će studirati ili se dvoume oko oblasti, njih 14% se odlučilo za oblast medicina/stomatologija. 12% se odlučilo za oblast vojska/policija/kriminalistika.

U popularnije oblasti ove godine spadaju još pravo (9%) kao i elektrotehnika (8%) i pedagogija (7%). Slijede jezici/književnost i informacione tehnologije (5%), ekonomija, menadžment, političke nauke i farmacija (4%), biologija/ekologija (3%), umjetnost/dizajn/moda (2%), te turizam/ugostiteljstvo, bankarstvo/financije i teologija (1%).




Grafikon 2. Oblast studija

Gdje studirati

Da li planiraš da nastaviš studije u svom kantonu?

Studije u USK planira da upiše 31% ispitanika, dok je 27% maturanata izjavilo da će mijenjati svoje mjesto školovanja jer u kantonu ne postoji fakultet koji bi željeli upisati, a 5%

anketiranih je izjavilo da će promijeniti grad iako u USK postoji fakultet iz oblasti koju bi željeli studirati. 14% ispitanika je dalo odgovor da će studije upisati u inostranstvu, a 21% ispitanika još uvijek nije sigurno gdje će studirati.



Grafikon 3. Gdje studirati?


Izbor: državni ili privatni fakultet

I po ovom pitanju ispitanici imaju jasno formiran stav. Apsolutna većina učesnika ankete, njih čak 73%, planira da upiše državni fakultet, dok je udio onih maturanata koji se odlučuju za privatne fakultete svega 5%.

21% ispitanih još ne zna da li će upisati državni ili privatni fakultet.

Prilikom diskusija maturanti kao argument za studiranje na državnom fakultetu navodili su bolju priznatost državnih visokoškolskih ustanova, mogućnost dobijanja državne stipendije (budžetski studenti), mjesta u studentskom domu, korištenje menze.

Maturanti koji su se odlučili za privatne fakultete kao glavne argumente navode lakši proces upisa, manje studentske grupe i što je „lakši“.



Grafikon 4. Izbor: državni ili privatni fakultet

Kvaliteti studija

Koji su po tvom mišljenju kriteriji za donošenje odluke o odabiru fakulteta

Ispitanicima je dato 11 relevantnih kriterija za donošenje odluke o odabiru fakulteta. Za svaki kriterij, ispitanici su imali mogućnost da ocjenom 1-4 ukažu na bitnost istog (veoma bitno – 1, bitno – 2, manje bitno – 3 i nebitno – 4).

Na pitanje o najbitnijim kriterijumima koji presuđuju o izboru studija, po mišljenju ispitanika najbitnija je mogućnost zapošljavanja sa stečenom diplomom (73%). Budućim studentima je veoma bitno i sticanje praktičnog znanja (59%), a veoma bitna im je i prihvatljiva školarina (53%), stručan profesorski kadar (44%), dobra organizacija službi na fakultetu (42%), kao i da mogućnost da im studije ostavljaju dovoljno vremena za druge aktivnosti (36%), te percipirani stepen težine završetka studija (34%).

37% ispitanika smatra da je bitan imidž fakulteta, a 29% ispitanika prilikom odabira fakulteta kao bitan faktor za odabir fakulteta smatra mišljenje porodice i prijatelja.

Manje važni kriterijumi ove godine su konkurencija prilikom upisa (29%), te blizina fakulteta (28%).

Pitanje 8. Kriteriji za donošenje odluke o odabiru fakulteta								
Mogućnost zapošljavanja sa stečenom diplomom	Veoma bitno		Bitno		Manje bitno		Nebitno	
	447	72%	141	23%	18	3%	19	3%
Stjecanje praktičnog znanja	Veoma bitno		Bitno		Manje bitno		Nebitno	
	368	59%	214	34%	34	5%	11	2%
Stručan profesorski kadar	Veoma bitno		Bitno		Manje bitno		Nebitno	
	264	44%	217	36%	89	15%	33	5%
Dobra organizacija svih službi na fakultetu	Veoma bitno		Bitno		Manje bitno		Nebitno	
	256	42%	239	40%	85	14%	24	4%
Prihvatljiva školarina	Veoma bitno		Bitno		Manje bitno		Nebitno	
	323	53%	187	31%	75	12%	27	4%
Fakultet ostavlja dovoljno vremena za druge aktivnost	Veoma bitno		Bitno		Manje bitno		Nebitno	
	217	36%	213	35%	133	22%	40	7%
Nema jake konkurencije prilikom upisa	Veoma bitno		Bitno		Manje bitno		Nebitno	
	174	28%	171	28%	177	29%	90	15%
Koliko je teško završiti taj fakultet	Veoma bitno		Bitno		Manje bitno		Nebitno	
	203	34%	196	33%	140	23%	63	10%
Imidž fakulteta	Veoma bitno		Bitno		Manje bitno		Nebitno	
	181	30%	228	37%	135	22%	65	11%
Mišljenje porodice/prijatelja	Veoma bitno		Bitno		Manje bitno		Nebitno	
	138	23%	177	29%	173	28%	124	20%
Blizina fakulteta	Veoma bitno		Bitno		Manje bitno		Nebitno	
	142	23%	132	21%	173	28%	170	28%

Tabela 1. Kriteriji za donošenje odluke o odabiru fakulteta

5.4. Tribine, seminari i konferencije u organizaciji Fakulteta

Pravni fakultet Univerziteta u Bihaću, cijeneći značaj svoje osnovne misije širenja znanja i unaprijeđivanja naučno-istraživačkog rada, već dugi niz godina organizira tribine, javne rasprave, predavanja, te okrugle stolove u vezi s najaktualnijim temama za stručnu i širu javnost, ali i studente, nastojeći na takav način omogućiti i aktivnu participaciju studenata u okviru njihovih osnovnih i postdiplomskih studija. U cilju doprinosa na polju akademskog, naučnog i stručnog učešća i usavršavanja, kao i promocije Pravnog fakulteta Univerziteta u Bihaću, od 2012. godine, Pravni fakultet Univerziteta u Bihaću teži i organizovanju naučnih konferencija međunarodnog karaktera.

I Tribine

Značajne tribine koje su održane u proteklom periodu:

- Održana je javna tribina pod nazivom „ **Novine u krivičnom zakonodavstvu Bosne i Hercegovine**“, čiji je voditelj bio prof. dr. Miodrag Simović, ključni ekspert na ovom polju. Cilj tribine je bio da se ključnim implementatorima krivičnog zakonodavstva prezentiraju novine u krivičnom zakonodavstvu.
- Značajna javna tribina pod nazivom „ **Aktualna pitanja u stvarnom pravu**“, održana je s ciljem prezentacije aktualnih pitanja u stvarnom pravu, a posebno aktualnih izmjena Zakona o zemljišnim knjigama, izmjena Zakona o katastru i premjeru nekretnina, te samog donošenja novog Zakona o stvarnim pravima FBiH. Voditelji tribine bili su prof. dr. Enes Hašić, prof. dr. Meliha Povelakić, te Hidajet Halilović, pomoćnik ministra pravde FBiH.
- Pravni fakultet Univerziteta u Bihaću je organizovao Tribinu na temu „ **Krivičnopravni i kriminološki aspekt korupcije kao društvenog fenomena**.“ Aktivno učešće je uzelo Kantonalno tužilaštvo USK-a, čiji predstavnik je ovaj negativni društveni fenomen prezentirao kako studentima, tako i predstavnicima policijskih agencija i institucija, kao i široj javnosti.
- Tribinu „ **Perspektiva tursko-bosanskih odnosa**“, u Amfiteatru Pravnog fakulteta Univerziteta u Bihaću, održao je pozivni predavač Huseyin Kansu.
- Pod pokroviteljstvom EU u saradnji sa nevladinim organizacijom „Plod“ iz Bihaća, u sklopu programa „ **Podrška nevladinim organizacijama koje se aktivno bave borbom protiv korupcije**,“ Pravni fakultet u Bihaću je učestvovao u seriji javnih tribina, čiji je cilj ubrzati reforme ključnih vladinih institucija (njihovih programa, projekata i procedura) i unaprijediti njihov rad kroz aktivno učešće i uključenost nevladinih organizacija (organizacija civilnog društva-OCD). Brža reforma će voditi ka smanjenju korupcije.

II Predavanja

Aktivnosti Pravnog fakulteta Univerziteta u Bihaću su usmjerene i na održavanje predavanja. Značajna predavanja koja su održana u proteklom periodu su sljedeća:

- Predavanje na temu „**Istraga u predmetima ratnih zločina**“ održano je saradnji sa Kantonalnim tužilaštvom Unsko-sanskog kantona. Predavanje je održao tužilac Jasmin Mesić.
- Na Pravnom fakultetu Univerziteta u Bihaću održano predavanje prof.dr. Enesa Osmančevića, redovnog profesora Filozofskog fakulteta u Tuzli i Fakulteta političkih nauka u Sarajevu, u okviru nastavnih predmeta: Međunarodni odnosi i sigurnosne studije, Pravni i politički sistemi EU i Evropske integracije i standardizacija, a u organizaciji prof.dr.sc. Nedžada Bašića, redovnog profesora Pravnog fakulteta Univerziteta u Bihaću.
- Na Pravnom fakultetu Univerziteta u Bihaću gostovao je doc. dr. Hrvoje Jurić sa Filozofskog fakulteta Sveučilišta u Zagrebu. Radi se o jednom u nizu predavanja koja se, u organizaciji prof.dr.sc. Nedžada Bašića, redovnog profesora Pravnog fakulteta Univerziteta u Bihaću, održavaju u okviru nastavnih predmeta: Međunarodni odnosi i sigurnosne studije, Pravni i politički sistemi EU i Evropske integracije i standardizacija. U predavanju pod naslovom "**Globalna politika i globalna etika**" Jurić je iz filozofske perspektive razmatrao različite aspekte globalnih strukturnih promjena. Predavanje je zaključeno diskusijom doc. dr. Hrvoja Jurića sa studentima, koju je moderirala asistentica Ajna Bakrač.

Na Pravnom fakultetu Univerziteta u Bihaću **17.11.2014**, gostovala je dr. sc. Jadranka Polović, sa Visoke škole multimedijiskih i komunikacijskih tehnologija iz Splita. Predavanje na temu: "**Etički spektri američkog intervencionizma: Ljudska prava kao strategija mijenjanja međunarodnog poretka i njihov utjecaj na globalne migracije**", se održalo u okviru nastavnih predmeta prof.dr. Nedžada Bašića. Predavanje je okončano diskusijom studenata, koju su modelirale dr. sc. Jadranka Polović i asistentica mag.iur. Ajna Bakrač.

III Okrugli stolovi

- Na Pravnom fakultetu Univerziteta u Bihaću, u proteklom periodu, organiziran je i okrugli stol na temu „**Kontroverze primjene novog Zakona o sudskim taksama USK-a: moguća povreda temeljnog ljudskog prava na pristup sudu**“ s ciljem da pravničkoj javnosti, ali i najširoj javnosti ukaže na reperkusije koje je proizvela primjena novog Zakona o sudskim taksama USK-a, sa mogućim prijedlozima njegove reforme. Posebno su obrađena sljedeća pitanja: problem u primjeni novog Zakona o sudskim taksama od strane suda; pravo na pristup sudu sa stanovišta Ureda ombudsmena; problemi primjene novog Zakona o sudskim taksama USK-a sa stanovišta advokature. Aktivno učešće u radu uzeli su predstavnici Ureda Ombudsema BiH, eminentni naučni stručnjaci, sudije i advokati.

IV Javne rasprave

- Značajna rasprava koja je održana u proteklom periodu je i Javna rasprava pod nazivom „**Preporuke za promjene Ustava Federacije BiH**“. Na javnoj raspravi u ime ekspertne grupe za promjene ustava učestvovali su dr. sc. Kasim Trnka, dr. sc. Mile Lasić, dipl. iur. Krešimir Zubak i dipl. iur. Vehid Šehić. Temeljni cilj rasprave je bio pribavljanje mišljenja i sugestija u funkciji izrade kritičke analize funkcioniranja ustavnog sistema i preporuka za ustavnu reformu Federacije BiH. U konačnici, rasprava je rezultirala utvrđivanjem i preporukom realnih rješenja, kojima će se osigurati izgradnja Federacije BiH, time i Bosne i Hercegovine kao demokratske, sekularne, pravne i socijalne države jednakopravnih građana - pripadnika konstitutivnih naroda (Bošnjaka, Hrvata i Srba), onih koji se ne izjašnjavaju pripadnicima konstitutivnih naroda (jer se ne mogu ili ne žele tako odrediti) i nacionalnih manjina.

V Međunarodne naučne konferencije

- Od 2012. godine, sa tendencijom da postane tradicija, organizirane su i dvije međunarodne naučne konferencije :
 - Prva međunarodna konferencija konferencija „**Bosna i Hercegovina i euroatlantske integracije – trenutni izazovi i perspektive**“ je održana je **9.-10.5.2012.** godine uz podršku suorganizatora NATO Štaba Sarajevo.
- U 2014. godini organizovana je i Druga međunarodna konferencija.
 - Druga međunarodna konferencija konferencija „**Bosna i Hercegovina i euroatlantske integracije – trenutni izazovi i perspektive**“ je održana **7.-8.5.2014.** godine uz suorganizaciju Centra za društvena istraživanja Internacionalnog Burch univerziteta.

Značajno je istaknuti da se konferencijama nastoji facilirati daljnji proces inter- i multidisciplinarnog istraživanja koja se tiču tekućih, kompleksnih i međusobno povezanih procesa pravnih, političkih, kulturoloških i socio-ekonomskih euro-atlantskih integracija Bosne i Hercegovine. Cilj konferencija je bio, da se putem naučnog diskursa, pruži poticaj integracijskim procesima i stvori atmosfera realnog eurooptimizma u BiH. Na konferencijama je učestvovao veliki broj eminentnih stručnjaka iz zemlje i inostranstva.

VI Konferencije

- U kampusu Univerziteta na Ilidži **23.01.2014.** godine, održana je konferencija "**Uspostavljanje, razvoj i funkcionisanje BiH diplomacije u toku rata i uloga ministra dr. Irfana Ljubijankića**" koju je organizovao Centar za društvena istraživanja Internacionalnog Burč Univerziteta u saradnji sa Pravnim fakultetom Univerziteta u Bihaću, Pravnim fakultetom u Tuzli, Pravnim fakultetom "Dzermal Bijedić" u Mostaru i Pravnim fakultetom u Zenici. Temeljni cilj organizovanja konferencije je bila diskusija o uspješnom uspostavljanju BiH diplomacije u najtežim ratnim uslovima, što u suštini predstavlja svojevrsan fenomen, ali i nedovoljno istraženo područje. S tim u vezi osvijetljena je ličnost i rad dr. Irfana Ljubijankića, kao jednog od glavnih protagonista u procesu stvaranja i uspjeha same diplomacije.

- Međunarodna naučno-stručna konferencija „**Izgradnja modernog pravnog sistema**“ održana je **24-25.10.2014.** godine u kampusu Internacionalnog Burč univerziteta u organizaciji Centra za društvena istraživanja Internacionalnog Burč univerziteta i Pravnih fakulteta iz Sarajeva, Bihaća, Tuzle, Zenice, i Mostara, te Fakulteta za kriminalistiku i sigurnosne studije u Sarajevu i Mariboru i Centra za edukaciju sudija i tužilaca FBiH. Cilj konferencije je bio okupiti vodeće naučne radnike, istraživače i eksperte na polju prava i srodnih društvenih nauka, kako bi podijelili i svoje iskustvo i rezultate istraživanja, utvrdili izazove i ponudili moguća rješenja.

VII Treninzi

- U proteklom periodu, sproveden je i trening na temu „**Borba protiv diskriminacije-pravo, praksa i društvo**“ uz aktivnu podršku međunarodne organizacije za zaštitu ljudskih prava Civil Rights Defenders.

VIII Seminari

- Značaj seminar na temu "**Aktuelna pitanja primjene Zakona o stvarnim pravima u FBiH**" održan je u organizaciji Centra za društvena istraživanja International Burch University, Pravnog fakulteta Univerziteta u Bihaću i Notarske komore Federacije Bosne i Hercegovine.

5.5. Izvještaj o radu uredništva Zbornika radova

Uredništvo časopisa *Zbornik radova Pravnog fakulteta u Bihaću* je u 2014. godini pripremio za objavljivanje dvobroj Zbornika, čiji izlazak iz štampe se očekuje početkom februara 2015. godine. U 2014. godini Uredništvo je za redovni broj zaprimilo ukupno 23 članaka, od čega je 12 prihvaćeno za objavljivanje, a 11 radova je vraćeno autorima na doradu ili nisu uopće bili podobni za objavljivanje. Napominjemo da je rad na pripremi Zbornika, prije svega, recenziranje radova isključivo volonterski i ovisi o entuzijazmu osoba uključenih u ovaj rad.

U 2014. godini Uredništvo je pripremio i objavilo Zbornik radova Međunarodne naučne konferencije „Bosna i Hercegovina i euro-atlantske integracije – trenutni izazovi i perspektive“, kao specijalni broj Zbornika radova Pravnog fakulteta u Bihaću. Ovaj Zbornik štampan je u dva toma sa ukupno 73 rada 107 autora na ukupno 1188 stranica. Ukupno 32 rada prijavljena na Konferenciju dobila su negativnu recenziju ili tematski nisu odgovarali programu Konferencije. Troškovi pripreme, lektoriranja, recenziranja radova i štampanja tematskog broja pokriveni su budžetom Konferencije (donatorska sredstva). Nažalost, do trenutka podnošenja ovog izvještaja, zbog neuplaćivanja donatorskih sredstava od strane Općine Bihać, svi saradnici na izradi Zbornika nisu plaćeni.

6. OSIGURANJE KVALITETA

Pravni fakultet Univerziteta u Bihaću promovira kulturu kvaliteta, razvija sistem za unutrašnje osiguranje kvaliteta u cilju poboljšanja nastave, naučno-istraživačkog rada, te procesa upravljanja i administracije. U tom smislu uspostavljen je sistem osiguranja kvaliteta koji je regulisan zakonom, statutom i internim aktima Univerziteta. Na prvom mjestu je bitno istaći Pravilnik o osiguranju kvaliteta koji definiše organe sistema osiguranja kvaliteta, odgovornosti, obaveze i uloge pojedinaca u cjelokupnom sistemu. Pored ovoga, na Pravnom fakultetu Univerziteta u Bihaću postoji i više dokumenata koji u potpunosti uspostavljaju sistem internog osiguranja kvaliteta sa svim potrebnim elementima, rokovima, odgovornostima, obrascima i procedurama. Ovim sistemom osiguranja kvaliteta je jasno definisana uloga i odgovornost svakog pojedinca što je rezultiralo i značajno boljim sistemom samoevaluacije koja je provedena u prethodnom periodu.

Pored sistema osiguranja kvaliteta u sklopu kojeg se provode aktivnosti samoevaluacija (interno osiguranje kvaliteta), na Univerzitetu u Bihaću postoji:

- Etički komitet i odgovarajući etički kodeks
- Odbor za osiguranje kvaliteta kao najviši organ osiguranja kvaliteta koji donosi strateške odluke i smjernice
- Centar za osiguranje kvaliteta i internu evaluaciju Univerziteta u Bihaću kao operativna cjelina
- Na organizacionim jedinicama, pa tako i na Pravnom fakultetu funkcioniše Tim i koordinator za osiguranje kvaliteta koji imaju jasne uloge, a primarne su podrška osoblju u oblasti osiguranja kvaliteta, te provođenje aktivnosti samoevaluacije.

Neke od aktivnosti osiguranja kvaliteta su godišnje samoevaluacije i anketiranja studenata. Ovime se dobivaju konkretni pokazatelji razvoja postojeće kulture kvaliteta koja na Pravnom fakultetu Univerziteta u Bihaću uključuje sve aktore visokog obrazovanja.

Postojeći sistem osiguranja kvaliteta obuhvata sve aktivnosti i usmjeren je na nastavni proces, naučno-istraživački rad, menadžment. Polazne komponente ovakvog sistema su samoevaluacije, kako osoblja, tako i organizacionih cjelina i odgovarajućih jedinica (predmeta, studijskih programa, službi, odsjeka, katedri, instituta).

Procedure za unutrašnje osiguranje kvaliteta definirane su formalno donesenim aktima:

- Pravilnik o metodologiji izvještavanja i Metodologija samoevaluacija
- Pravilnik o osiguranju kvaliteta

Nadležnosti Tima za osiguranje kvaliteta na Pravnom fakultetu su:

- Inicira, organizira, koordinira i provodi postupke evaluacije te razvija unutrašnje mehanizme osiguranja i unapređenja kvaliteta na nivou organizacione jedinice Univerziteta, a posebno s obzirom na slijedeće elemente: Samoevaluacija, Razvijanje indikatora kvaliteta, Sudjelovanje studenata u praćenju kvaliteta realizacije studija, Istraživanje uspješnosti studiranja i uzroka nekvalitetnog, neefikasnog i predugog studiranja, Istraživanje kompetencija nastavnog osoblja, Usavršavanje univerzitetskih nastavnika i asistenata, Usavršavanje administrativnog i tehničkog osoblja, Dokazi o unapređenju nastave, Kvaliteta općih i specifičnih kompetencija ostvarenih studijskim programom.
- U saradnji s Odborom ili Centrom, te organima i pojedincima matične organizacione jedinice: Planira strategiju unapređenja kvaliteta matične organizacione jedinice, Provodi program procjene i postupke unapređenja kvaliteta matične organizacione

jedinice, Koordinira provedbu projekata za profesionalni i stručni razvoj kadrova (akademskih, administrativnih i tehničkih) u matičnoj organizacionoj jedinici.

- Učestvuje u definiranju i uvođenju tipa standardizacije u administrativnom dijelu organizacionih jedinica.

Uloga studenata u sistemu osiguranja kvaliteta je jasno i institucionalno definirana. Ove uloge predviđaju uključenost predstavnika studenata svih ciklusa obrazovanja. Kako Pravni fakultet Univerziteta u Bihaću ima organizovan studij I i II ciklusa, u svim organima su prisutni predstavnici ovih ciklusa studija. Studenti I i II ciklusa uključeni su u rad NNV-a Pravnog fakulteta. Studenti su organizovani u predstavnička tijela, na nivou organizacione jedinice to je Asocijacija studenata Pravnog fakulteta, a na nivou univerziteta to je Unija studenata Univerziteta u Bihaću. Pravni fakultet Univerziteta u Bihaću redovno i na organiziran način prikuplja mišljenja studenata o kvalitetu nastavnog procesa anonimnim upitnicima u kojima studenti evaluiraju određene segmente, te imaju mogućnost slobodnog iznošenja mišljenja. Anonimnost i transparentnost ovog postupka je definirana Procedurama anketiranja studenata kojima je definirano da sve ove aktivnosti provode predstavnici studenata. Univerzitet u Bihaću, odnosno Centar pruža stručnu i tehničku podršku i osigurava resurse za uspješno provođenje ovih aktivnosti. Anketiranje studenata se vrši na kraju svakog semestra i uobičajena je praksa na Univerzitetu u Bihaću. Rezultati anketiranja su dostupni analizi.

7. STUDENTSKA SLUŽBA

Rad studentske službe predstavljamo tabelarno.

I CIKLUS DODIPLOMSKOG STUDIJA

STATUS STUDENTA	Ovjerili zimski semestar	Upisali ljetni semestar	Ovjerili ljetni semestar
REDOVNI STUDENTI	200	197	187
PARALELNI STUDENTI	46	45	41
VANREDNI STUDENTI	101	91	77
U K U P N O	347	333	305

PRIJAVE NA KONKURS

	Redovni studenti	Paralelni studenti	Vanredni studenti
PRVI KONKURS	58	-	2
DRUGI KONKURS	7	11	4
U K U P N O	65	11	6

UPISANI STUDENTI PO MATIČNOJ EVIDENCIJI AKADEMSKA 2014/15. godina

Status studenta	Broj upisanih studenata
REDOVNI STUDENTI	56
PARALELNI STUDENTI	9
VANREDNI	5 + 12 PRELAZA
U K U P N O	82

AKTIVNOST STUDENATA AKADEMSKE 2014/15.god. (upisi u naredne godine studija i obnove)

Status studenta	
REDOVNI STUDENTI	137 + 28 apsolvenata + 3 imatrikul. = 168
PARALELNI STUDENTI	36 + 5 apsolvenata + 1 imatrikul. = 42
VANREDNI STUDENTI	58 + 9 apsolvenata + 2 imatrikul. = 69
U K U P N O	231 + 42 apsolventa + 6 imatrikul. = 279

U 2014. godini diplomiralo 60 studenata.

U 2014. godini izdatih potvrda	532
U 2014. godini izdatih uvjerenja o pol. ispitima	199
U 2014. godini izdatih ispisa	91
U 2014. godini izdatih uvjerenja za inostranstvo	16
U 2014. godini izdatih prijava:	
- redovni studij:	3.673
- paralelni studij:	550
- vanredni studij:	973

II CIKLUS STUDIJA

PRIJAVE NA KONKURS:

Prijavljeno 18 kandidata

16 kandidata izvršilo upis na jednu katedru

Prijava teme po starom – formirana komisija za ocjenu i odbranu (1 kandidat)

Usvojen izvještaj o podobnosti kandidata – II ciklus

Odbranjeni magistarski radovi:

- 3 kandidata II ciklus (magistri prava)
- 1 kandidat (magistar pravnih nauka)

Ispitnih rokovi na II ciklusu – 15

Izdatih potvrda – 1

Izdatih uvjerenja o položenim ispitima – 7

Izdatih ispisa – 1

Izdatih prijava 17 (9 položili)

8. BIBLIOTEKA

Biblioteka Pravnog fakulteta u Bihaću nalazi se u prostorijama Pravnog fakulteta. Nastavno naučnog vijeća Pravnog fakulteta Bihać 2014. godine donosi odluku te je izvršeno preseljenje biblioteke u nove prostorije, gdje je u novih 48m², pored boljih uslova korištenja bibliotekarske literature za studente Pravnog fakulteta u sklopu biblioteke napravljena čitaonica sa upotrebom interneta. Iako biblioteka broji još uvijek skroman broj bibliotekarskih naslova uposlenici Pravnog Fakulteta u svim prilikama se trude da isti poboljšaju pa se tako u biblioteci pored kupljenih knjiga nalazi i znatan broj doniranih knjiga . U 2014.godini i pored teške financijske situacije izvršena je nabavka knjiga u vrijednosti od = 1.002,43 KM , prof. dr Zdravko Grebo je Biblioteci Pravnog fakulteta donirao veći broj knjiga koje su od izuzetne koristi kako studentima dodiplomskog tako i postdiplomskog studija jer se radi o stručnoj literaturi. Pored već pomenute donacije prof. dr Zdravka Grebe, biblioteka je u 2014.godini imala donacija iz advokatskih ureda, bivših studenata Pravnoga fakulteta , a kako gostujući profesori tako i svi uposleni Pravnog fakulteta svojim donacijama žele da pomognu te poboljšaju fond biblioteke, a samim tim i svim studentima pruže mogućnost kvalitetnijeg obrazovanja.

Bitno je napomenuti da je i pored svih teškoća sa kojim se susreće biblioteka ipak učestvovala u humanitarnoj akciji koju je organizovala Asocijacija studenata Pravnog fakulteta pod nazivom „Jedna knjiga milion života“ te sa svojim skromnim prilogom pomogla onima koji su nastradali u poplavama koje su zahvatile Bosnu i Hercegovinu u maju 2014. godine.

Biblioteka trenutno raspolaže sa približno 1000 naslova, većinom stručnih, te raznih časopisa, magistarskih i doktorskih disertacija, kako onih odbranih na Pravnom fakultetu u Bihaću tako i magistarskih i doktorskih disertacija odbranih na pravnim fakultetima u zemlji i regionu, udžbenika za predmete koji se izučavaju prema Nastavnom planu i programu Pravnog fakulteta, te raspolaže sa znatnim brojem literature na engleskom i njemačkom jeziku iz čega proizilazi da se bibliotekarski fond kontinuirano obnavlja.

Biblioteka Pravnog fakulteta Univerziteta u Bihaću je pored toga što iz dana u dan povećava fond bibliografskih jedinica, cjelokupan svoj sadržaj preoblikovala u elektroničko vođenje korisnika usluga biblioteke i bibliografskih jedinica, a sve to s ciljem da se poboljša rad biblioteke , a samim tim i studentima omogućiti uspješniji nastavni razvoj. Uz sve navedeno studentima je omogućeno da sve informacije o biblioteci i potrebnoj literaturi dobiju putem e-maila.

S obzirom da smo svjesni činjenice da uz što kvalitetniju literaturu možemo imati kvalitetne studente politika Pravnog fakulteta orijentirana je da u narednom periodu ulaže u razvoj biblioteke, a svjesni da je za buduću akreditaciju Univerziteta u Bihaću značajno postojanje biblioteka jedan od glavnih prioriteta fakulteta je bogaćenje bibliotekskog fonda, kako nabavkom, tako putem poklona i razmjena, te da bi se studentima omogućilo da na fakultetu mogu doći do potrebne literature za što kvalitetnije obrazovanje.

9. STRATEŠKI CILJEVI

9.1. Edukacija studenata

Osnovni cilj Pravnog fakulteta Univerziteta u Bihaću je obrazovanje kompetentnih stručnjaka u području prava u okviru I i II ciklusa studija, a u dogledno vrijeme i studija III ciklusa, u skladu sa potrebama i zahtjevima okruženja, uz stalna organizaciona, materijalna i metodološka poboljšanja, koji će svojim znanjem i vještinama unaprijediti praksu, obrazovanje te naučno-istraživački rad u području prava. U skladu s načelima izvrsnosti, jedan od ciljeva Pravnog fakulteta Univerziteta u Bihaću je biti jedna od vodećih visokoobrazovnih nastavnih i naučnih ustanova u svom području u regiji. Ovaj visoko postavljeni cilj pretpostavlja da, uz naporan rad nastavnika, saradnika, administrativnog i ostalog osoblja, kvalifikacijski standardi i ishodi učenja budu usklađeni sa evropskim kvalifikacijskim standardima i ishodima učenja. Stoga, u skladu sa generalno postavljenim ciljevima, Pravni fakultet Univerziteta u Bihaću naročito se zalaže za:

- a) Provođenje kvalitetnog i društveno korisnog obrazovanja koje će se temeljiti na ishodima učenja kroz sva tri ciklusa studija, shodno potrebama zajednice i ukupnog razvoja društva;
- b) Razvoj i podizanje na adekvatan nivo i druge funkcije obrazovnog procesa i naučnog rada, pored funkcije transferiranja znanja, a to je istraživački rad, na način da se osnuju istraživački centri različitih profila, te afirmira izdavačka djelatnost;
- c) Dosezanje visokog stepena organizacijske razine i odgovornosti, poticanje i prepoznavanje talenata kako kod nastavnika i asistenata, tako i studenata;
- d) Ravnopravno učestvovanje na konkurentnom Evropskom istraživačkom prostoru i Evropskom obrazovnom području;
- e) Osiguranje prostornih i kadrovskih uvjeta u kojima će se moći ostvariti zacrtani strateški ciljevi, što podrazumijeva i izgradnju novog objekta Pravnog fakulteta.

U postizanju navedenih ciljeva, Pravni fakultet Univerziteta u Bihaću stremi ka daljnjem jačanju suradnje s lokalnom zajednicom, privrednim subjektima, organima sudske, zakonodavne i izvršne vlasti, institucijama civilnog društva, institucijama evropskog istraživačkog prostora i prostora visokog obrazovanja, te otkrivanju i ostvarivanju zajedničkih interesa pri iskorištavanju pozitivnih učinaka procesa izgradnje i usavršavanja vrijednih i praktično primjenjivih znanja i vještina. Ostvarivanje zadanih ciljeva moguće je samo ako Fakultet na institucionalnom nivou dugoročno djeluje kao dinamična, kritična i angažirana visokoobrazovna ustanova, otvorena prema društvenim, naučnim i obrazovnim promjenama, ali i akademski autonomna, te ideološki neovisna naučna i obrazovna organizacija.

9.2. Infrastruktura i pomagala za učenje

Kako je definirani cilj Pravnog fakulteta Univerziteta u Bihaću postati akreditiranom, referentnom i konkurentnom visokoobrazovnom ustanovom u regiji, nužno je založiti se za uvođenje novih obrazovnih sadržaja radi praćenja potreba tržišta rada i osposobljavanja studenata za uključivanje u međunarodne privredne i druge tokove. Na tom putu je neophodno obezbijediti i adekvatnu prostornu infrastrukturu i pomagala za učenje.

Pravni fakultet Univerziteta u Bihaću je smješten u izdvojenom dijelu Osnovne škole „Gornje Prekounje – Ripač“, a raspolaže sa prostorom caa 900 m². U pogledu prostornog kapaciteta, Fakultet posjeduje jedan klimatizirani amfiteatar sa 210 sjedišta, zatim dvije učionice sa po 52 mjesta sa pratećom tehničkom i informatičkom opremom, informatički centar sa 30 mjesta, umreženim internetom povezanim u 10 jedinica koji je na raspolaganju studentima, nastavnicima, saradnicima i ostalom osoblju za postizanje što kvalitetnijeg nastavnog procesa i unaprijeđenja procesa rada. Uz navedeno, posjeduje i 15 kabineta za nastavnike i saradnike opremljene adekvatnom računarskom opremom sa pristupom internetskoj mreži i biblioteku.

Pravni fakultet Univerziteta u Bihaću u domenu administrativnih službi posjeduje Dekanat, Sekretarijat, Studentsku službu i arhiv.

Sve prethodno navedeno, ukazuje da uvjeti nisu na razini standarda na temelju kojih Pravni fakultet Univerziteta u Bihaću može dobiti pozitivnu ocjenu u akreditacijskom postupku, samim tim, što Fakultet ne raspolaže sa adekvatnim vlastitim prostorom koji korespondira broju i potrebama studenata. A s obzirom na činjenicu neposjedovanja vlastitog prostornog kapaciteta, nije moguće projicirati razvoj Pravnog fakulteta Univerziteta u Bihaću zbog statusa kojeg trenutno ima u posjedovnom smislu.

Stoga, ključni infrastrukturni cilj Pravnog fakulteta Univerziteta u Bihaću je projekat izgradnje novog objekta Fakulteta. Lokacija predmetnog objekta se nalazi u široj gradskoj zoni u obuhvatu Urbanističkog plana grada Bihaća. Predmetna lokacija se nalazi unutar zone kompleksa predviđenog za budući kampus Univerziteta u Bihaću. Objekat Pravnog fakulteta Univerziteta u Bihaću osmišljen je kao prostor dimenzioniran u gabaritima 58,30 x 37,60 metara, nepravilnog oblika spratnosti S+P+2. Nakon što je u prethodnim godinama pokrenuta inicijativa za nabavku zemljišta i izgradnju objekta, u toku 2012. godine cijena zemljišta je u potpunosti isplaćena, a Univerzitet u Bihaću uknjižen kao korisnik istog sa prvenstvenim pravom građenja. Uspješno je okončana procedura izrade idejnog projekta, a u toku je procedura izrade glavnog projekta objekta Pravnog fakulteta Univerziteta u Bihaću, kao i procedura izdavanja urbanističke dozvole, a nakon čega će se pristupiti i aktivnostima na izdavanju i građevinske dozvole. Ovo su svakako strateški ciljevi koje menadžment Pravnog fakulteta Univerziteta u Bihaću namjerava ispuniti, a u 2015. godini intenzivirati.

Izgradnjom novog objekta Pravnog fakulteta Univerziteta u Bihaću, nastavu na odgovarajućim studijskim programima bi u ovim prostorijama pohađali i studenti drugih fakulteta Univerziteta u Bihaću, čiji su prostori nedostatni za kvalitetno odvijanje nastave. Tako da bi u novom objektu nastavu pohađalo preko 1000 studenata Univerziteta u Bihaću.

9.3. Struktura nastavnog i saradničkog kadra

Valorizacija postojećeg i budućeg vlastitog ljudskog kapitala temeljna je vrijednost i jamac uspjeha u ostvarivanju navedenih strateških ciljeva Pravnog fakulteta Univerziteta u Bihaću. Stoga, nužno je poticati mobilnost i institucionalnu podršku u razvijanju cjeloživotnih istraživačkih karijera naučnika i nastavnika, odgovorno primjenjivati akte o povećanju sistema kvaliteta kao oblika podrške i poticaja vrijednim talentima, vještinama, znanjima, te naporima svih učesnika koji čine ljudski kapital Fakulteta.

Trenutno je na Fakultetu zaposleno 8 nastavnika u radnom odnosu (u različitim nastavničkim zvanjima), a 12 nastavnika je angažirano kao spoljni suradnici. U radnom odnosu se nalazi i 7 viših asistenata u naučnom zvanju magistara nauka i stručnom zvanju magistara prava, te jedan asistent u zvanju magistra prava. U kadrovskom smislu Pravni fakultet ostvaruje oko 60% pokrivenosti nastave domaćim kadrom, te navedeni procent korespondira sa zahtjevima i kriterijima koji su postavljeni kao uvjet za akreditaciju visokoškolskih ustanova. Također, neophodno je istaknuti da Pravni fakultet Univerziteta u Bihaću uskoro očekuje odbrane doktorskih disertacija nekoliko magistara nauka koji su prijavili i izradili doktorske disertacije na našem Fakultetu, te na Pravnim fakultetima u Zagrebu i Beču. Taj broj domaćih nastavnika bit će dovoljan da se nastava u 90-procentnom obimu oslanja na domaći kadar, a tek 10% na spoljne saradnike, što će zasigurno poboljšati kvalitetu kako nastave tako i ostvarenih rezultata i ciljeva, ali i ishoda učenja studenata Pravnog fakulteta Univerziteta u Bihaću.